



REPUBLIKA E SHQIPËRISË

**GJYKATA KUSHTETUESE
DREJTORIA EKONOMIKE DHE BURIMEVE NJERËZORE**

NJOFTIM

Për plotësimin e dy vendeve të lira të punës në administratën e Gjykatës Kushtetuese.

Në zbatim të nenit 14/a, të ligjit nr. nr. 8577, datë 10.02.2000, “Për organizimin e funksionimit të Gjykatës Kushtetuese”, i ndryshuar dhe Rregulloren e Brendshme, Gjykata Kushtetuese shpall procedurat e plotësimit të dy vendeve të lira të punës në pozicionin:

Këshilltar/e në Njësinë e Shërbimit Ligjor

Pozicioni më sipër, i ofrohet të gjithë kandidatëve nga brenda dhe jashtë institucionit të Gjykatës Kushtetuese që plotësojnë kushtet dhe kriteret e veçanta për të konkuruar për vendin e punës “këshilltar/e ligjor/e”.

Misioni:

Këshilltari/ja ligjor/e e ushtron funksionin e tij në përbërje të Njësisë së Shërbimit Ligjor, e cila përbën bërthamën shkencore juridike të Gjykatës Kushtetuese. Ai/ajo ushtron veprimtari këshilluese dhe ndihmëse në procesin vendimmarrës të Gjykatës Kushtetuese.

Qëllimi i përgjithshëm i pozicionit të punës:

Mbështetja e veprimtarisë së Gjykatës Kushtetuese në zbatim të ligjit nr. 8577, datë 10.02.2000, “Për organizimin dhe funksionimin e Gjykatës Kushtetuese të R.SH.”, të ndryshuar duke kryer veprimtari këshilluese dhe ndihmëse në procesin vendimmarrës të Gjykatës Kushtetuese në përgatitjen e çështjeve për gjykim, dhënien e opinioneve ligjore dhe përgatitjen e kërtimeve shkencore për çështjet gjyqësore që janë për shqyrtim para Gjykatës Kushtetuese apo për veprimtari të tjera të lidhura me objektin e punës së Gjykatës Kushtetuese.

Përshkrimi i detyrave që kryen këshilltari ligjor:

Këshilltari/ja i Njësisë së Shërbimit ligjor ka kryesisht këto detyra:

- a) jep mendimin e tij/ të saj për kalimin ose jo të kërkesës për gjykim nëpërmjet relacionit paraprak ose të projektvendimit, sipas orientimeve të relatorit të çështjes.

- b) përgatit opinionin ose projektvendimin mbi zgjidhjen e çështjes në themel, kur vendoset kalimi i çështjes për gjykim;
- c) harton projekt-vendimin me miratimin e relatorit;
- d) merr pjesë në diskutimet e Mbledhjes së Gjyqtarëve, për çështje të ndryshme, nëse gjyqtarët e konsiderojnë të nevojshme;
- e) angazhohet me urdhër të Kryetarit edhe në realizimin e detyrave, kur pjesëmarrja e konsiderohet e nevojshme.

Kushtet dhe kriteret e veçanta që duhet të plotësojë kandidati për këshilltar/e ligjor/e:

Kushtet:

- 1. Të jetë shtetas/e shqiptar/e;
 - 2. Të ketë zotësi të plotë për të vepruar;
 - 3. Të mos jetë dënuar me vendim penal të formës së prerë;
 - 4. Të mos ketë ushtruar funksione politike në administratën publike gjatë 5 viteve të fundit;
 - 5. Të mos ketë masë disiplinore në fuqi, të mos jetë marrë masa disiplinore për largimin nga detyra ose ndaj tij/saj, të mos jetë vendosur masë ndaluese për të punuar në funksione publike;
 - 6. Të kalojë me sukses verifikimin e pasurisë dhe të figurës sipas legjislacionit në fuqi;
 - 7. Të ketë mbaruar arsimin e lartë juridik, DND, DIND ose Bachelor + Master Shkencor në shkencat juridike;
 - 8. Mesatarja mbi 8, përbën një avantazh për kandidatin;
 - 9. Të ketë përvojë si jurist jo më pak se 10 vjet si:
 - lektor i së drejtës, preferohet në të drejtën publike;
 - avokat,
 - nëpunës i lartë i administratës publike,
 - funksione këshillimi ligjor në organet e sistemit të drejtësisë apo në organizata ndërkombëtare me fushë veprimi në sistemin e drejtësisë apo në mbrojtjen e të drejtave të njeriut,
- ose**
- të ketë qenë gjyqtar apo prokuror me përvojë jo më pak se 5 vjet.

Kriteret:

- 1. Të ketë kryer studime pasuniversitare, preferohet në të drejtën publike;
- 2. Të ketë veprimtari në fushën akademike, preferohet në fushën publike (mësimdhënie, botime artikujsh, përgatitje trajnimesh, etj);
- 3. Të zotërojnë të paktën një nga pesë gjuhët e Bashkimit Europian: anglisht, frëngjisht, gjermanisht, spanjisht, italisht (të shkruar dhe folur);

Fusha e njohurive për kandidatët që do të konkurrojnë:

Kandidati duhet të zotërojë:

Njohuritë për Kushtetutën e Republikës së Shqipërisë; Ligjin për organizimin e funksionimit të Gjykatës Kushtetuese; Rregulloren e brendshme të Gjykatës Kushtetuese; Ligjin nr. 96/2016 “Për statusin e gjyqtarëve dhe prokurorëve në Republikën e Shqipërisë”; Kodin Civil; Kodin e Procedurës Civile; Kodin Penal; Kodin e Procedurës Penale; Kodin e Procedurës Administrative; Ligjin për mbrojtjen e të dhënave personale; Ligjin për rregullat e etikës në administratën publike; Ligjin për të drejtën e informimit për dokumentat zyrtare; Ligjin për mbrojtjen e të dhënave personale.

Mënyra e komunikimit

Njoftimet dhe komunikimet për kandidatët do të bëhen në faqen zyrtare të Gjykatës Kushtetuese, në portalin e “Shërbimit Kombëtar të Punësimit”, në këndin e informacionit të institucionit, si dhe me e-mail, celular (sipas rastit).

Dokumentacioni, afati i dorëzimit dhe mënyra e dorëzimit:

Kandidati/ja duhet të plotësojë dhe të dorëzojë pranë Drejtorisë Ekonomike dhe Burimeve Njerëzore, dokumentat si më poshtë:

1. Një listë përmbledhëse të gjithë dokumentave që dorëzohen, e cila duhet të jetë e nënshkruar nga kandidati.
2. Një kërkesë për aplikim e cila duhet të përmbajë në formë të përmbledhur kërkesën për punësim në pozicionin e shpallur. Kërkesa në formë të përmbledhur të përmbajë:
 - Emrin dhe mbiemrin e kandidatit;
 - Adresa e saktë e banimit;
 - Numri i telefonit dhe celularit;
 - Adresa e E-mailit;
 - Data e kërkesës;
 - Nënshkrimi: Emri, mbiemri dhe firma me shkrim dore.
3. Jetëshkrimi i plotësuar në përputhje me dokumentin tip;
4. Motivimi për vendin e punës për të cilin konkurron;
5. Deklaratat dhe formularët si më poshtë:
 - a. Deklarata e e pasurisë dhe interesave private “Për kandidatët për pozicione të ndryshme në institucionet e sistemit të drejtësisë”¹-**shiko shënimin fundor**;
 - b. Deklarata për kontrollin e figures
 - c. Formulari i Autoritetit për Informim mbi Dokumentet e ish-Sigurimit të Shtetit
 - d. Formular Vetdeklarimi
 - e. Formulari i Vetëdeklarimit-Autorizimi për institucionin për verifikimin e gjendjes gjyqësore

¹ Në zbatim të **Udhëzimit nr. 927, datë 01.11.2021** të ILDKPKI-së, kandidatët janë të detyruar të **plotësojnë online** deklaratën e pasurisë dhe interesave private “Për kandidatët për pozicione të ndryshme në institucionet e sistemit të drejtësisë” (shiko udhëzimet përkatëse: https://www.ildkpkj.al/manuale_dhe_udhezime/).

Për të bërë të mundur hapjen e llogarisë nga ku kandidati do të plotësojë deklaratën online, duhet që kandidatët të dërgojnë në adresën e-mail-it: erion.tafaj@gjk.gov.al, të dhënat si vijojnë: 1. numrin personal të identifikimit; 2. numrin e telefonit; 3. adresë e-mail-i. Të dhënat përkatëse (**emri i përdoruesit dhe fjalëkalimi**) për të aksesuar në llogarinë e krijuar, do të dërgohen me e-mail në mom entin e krijimit të saj.

6. Fotokopje e diplomës dhe listës së notave;
7. Fotokopje e librezës së punës (të gjitha faqet që vërtetojnë eksperiencën në punë);
8. Fotokopje e letërnjoftimit (ID);
9. Dokumentin që vërteton njohjen gjuhës së huaj;
10. Vërtetimin e gjëndjes shëndetësore dhe për aftësinë për punë (nga KML);
11. Vërtetimin e gjëndjes gjyqësore ose formulari i plotësuar që autorizon institucionin për verifikim;
12. Vërtetim nga gjykata dhe prokuroria që nuk është në ndjekje penale;
13. Vlerësimi i punës nga punëdhënësi i fundit;
14. Vërtetimin nga institucioni që ka punuar dhe që nuk ka masë disiplinore në fuqi;
15. Çdo dokumentacion tjetër që vërteton trajnimet, kualifikimet, arsimimin shtesë, vlerësimet pozitive apo të tjera të përmendura në jetëshkrim.

Mënyra e dorëzimit të dokumentacionit të kërkuar:

Kandidati/ja duhet të dorëzojë brënda afatit të caktuar dokumentacionin e kërkuar si më poshtë:

- ÷ Në protokollin e Gjykatës Kushtetuese ose pranë Drejtorisë Ekonomike dhe të Burimeve Njerëzore.
- ÷ Me postë (***data e postimit me postë të jetë brënda afatit të caktuar për paraqitjen e dokumentave***).

Afati për dorëzimin e dokumentave përfundon në datën 25.05.2022.

Rezultatet e verifikimit paraprak

Komisioni i pranimit, në bazë të dokumentacionit të paraqitur, **jo më vonë se 4 (katër) ditë pune** nga data e mbylljes së pranimit të dokumentave (brenda datës **31.05.2022**), bën verifikimin paraprak të kandidatëve që përmbushin kushtet e përcaktuara në shpalljen për konkurrim.

Kandidatët, që plotësojnë kushtet e përcaktuara në shpalljen për konkurrim, do të renditen në një listë sipas rendit alfabetik, e cila do të shpallet në faqen zyrtare të Gjykatës Kushtetuese, në portalin e “Shërbimit Kombëtar të Punësimit” dhe në këndin e informacionit të institucionit.

Kandidatët që nuk kualifikohen do të njoftohen individualisht nga njësia përgjegjëse për shkaqet e moskualifikimit, në të njëjtën ditë me shpalljen e listës së verifikimit paraprak.

Kandidatët, të cilët rezultojnë të pakualifikuar, **brenda 2 (dy) ditëve pune** nga data e njoftimit individual mund të paraqesin ankesat me shkrim pranë komisionit të pranimit.

Ankesat zgjidhen **brenda 2 (dy) ditëve pune** nga data e përfundimit të afatit të ankimit.

Mënyra e vlerësimit të kandidatëve

Kandidatët do të vlerësohen për jetëshkrimin dhe dokumentacionin tjetër të dorëzuar, si dhe për intervistën e strukturuar.

Intervista do të zhvillohet më datën 10.06.2022, ora 10:30, në mjediset e Gjykatës Kushtetuese.

Struktura e ndarjes së pikëve të vlerësimit të kandidatëve është:

- a) 70 pikë për dokumentacionin e dorëzuar;
- b) 30 pikë për intervistën me gojë.

Grafiku i datave të zhvillimit të procedurës:

Dorëzimi i dokumenteve:	deri në 25.05.2022
Shpallja e listës paraprake të kandidatëve të kualifikuar:	01.06.2022
Ankimi për kualifikimin paraprak	deri në 2 ditë pune nga data e shpalljes
Zgjidhja e ankimeve për kualifikimin paraprak:	deri në 2 ditë pune nga data e përfundimit të ankimit
Intervista e strukturuar me kandidatët e kualifikuar	10.06.2022, ora 10:30
Njoftimi i vendimit paraprak të Komisionit për fituesit	15.06.2022
Ankimi për vlerësimin e KPP-së:	deri në 2 ditë pune nga data e shpalljes
Zgjidhja e ankimeve:	deri në 2 ditë pune nga data e përfundimit të ankimit

Për sqarime të mëtejshme mund të kontaktoni me Drejtorinë Ekonomike dhe Burimeve Njerëzore në numrin telefonit 068 20 80 345.

**GJYKATA KUSHTETUESE
DREJTORIA EKONOMIKE DHE BURIMEVE NJERËZORE**

Tiranë, më 29.04.2022